

**Aningaasaqarnermut Ataatsimiititaliap suliaq nr. 01.31.06/08-003 45 pillugu tallimangornermi ulloq 27. juni 2008-mi aalajangiinera pillugu Naalakkersuisunut ilisimatitsineq.**

(Naalakkersuisut siulittaasuata ulloq 25. juni 2008-mi aalajangiinerani nr. 309)

Tasiilami aningaasanut immikkoortitanut ilassutitut aningaasaliissuteqarnissamik qinnuteqaat Naalakkersuisut inassutigaa,

- Kontomi pingaarnermi 30.11.18-imi, Tasiilamut aningaasat immikkoortitanut tunngasumut, aningaasaliissutit 3.1 mio. kr.-inik amerlineqassasut, aamma

- Konto pingaarnermut 20.11.50-imut, Ingerlatsineranut sillimmatinut tunngasumut, aningaasaliissutit tamatuma peqatigisaanik 3.1 mio. kr-it ikilisinneqassasut.

**Aningaasaqarnermut Ataatsimiititaliap oqaaseqaatai**

Tasiilami isumaginninnikkut pissutsit pitsaanngilluinnarnerat pissutigalugu Amassaliup kommuniani immikkut ittumik iliuuseqarnissamut 3,1 mio. kr.-inik ilassutitut aningaasaliissuteqarnissaq Naalakkersuisut qinnutigaa.

Taamaalillunilu Naalakkersuisunit ilaatigut oqaatigineqarpoq:

Meeqqat 200-t missaat, meeqqat 20 pct.-iisa missaannik amerlatigisut, nammineq aaqqiinikkut inissinneqarsimapput, pisortanit angajoqqaarsianut inissinneqarsimallutik imaluunniit ulloq unnuarlu paaqqinniffinnut inissinneqarsimallutik

Innutaasut imigassamik atornerluinerat pissutigalugu meeqqanik sumiginnaasoqartoq

Inersimasunngorlaani imigassamik annertuumik atornerluineq atuuttoq, minnerunngitsumik imigassanik sakkortuumik imertoqartarluni

Meeqqanik 7-init 17-inut ukiulinnik atornerluineq pillugu 2007-imiinnaq 32-it pineqaatissinneqarsimasut.

Tamanna tunngavigalugu Naalakkersuisut naliliipput meeqqanik sumiginnaaneq ima annertutigisooq immikkut suliniuteqarnissaq pisariaqartinneqarluni.

Tamatuma saniatigut Naalakkersuisunit oqaatigineqarpoq:

Ajornartorsuutit iliuuseqarfigineqarnissaanni sulisussat ilinniarsimasut piginnaaneqarluartut piffimmi amigaatigineqartut

at den lokale arbejdsmarkedspolitik reelt er reduceret til passiv social hjælp

suliffissaaleqisut amerlaqisut, tassa 20 pct.-it missaanniittut

Inersimasut inuusuttullu akornanni imigassamik atornerluineq annertoq atuugaasoq

Tarnikkut piitsuussuseq atuuttoq

Piffimmi katsorsaanissamut periarfissat amigaataasut.

Tamakku tunngavigalugit suliniut arlallit aallartinneqarnissaat siunnersuutigineqarpoq, tassunga ilanngullugit innarligaasimasunut katsorsartinnissamik neqeroorutitik pilersitsineq, imigassamik atornerluineranut katsorsaaneeq, meeqqanut inuusuttunullu aasaanerani sammisassaqaartitsineq il.il.

Tamatuma saniatigut kommunimi tamarmi imigassamik kimittuumik tuniniaanerup sassaalliisarnerullu unitsikkallarneqarnissaat Naalakkersuisunit siunniunneqarpoq.

Naalakkersuisut assigalugit Aningaasaqarnermut Ataatsimiititaliaq isumaqarpoq Tasiilami pissutsit imaannaangitsut. Tamanna tunngavigalugu kommunimi suliniutissanik pisariaqartunik piaartumik aallartitsinissap pisariaqartinneqarneranik Naalakkersuisut naliliinerat ataatsimiititaliamit taparserneqarsinnaavoq, tamannalu tunngavigalugu aningaasaliissuteqarnissamik qinnuteqaat akuersissutigineqarluni.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit akuersissutigineqarput.

Inussiarnersumik inuulluaqqusillunga

Augusta Salling  
Aningaasaqarnermut Ataatsimiititaliap siulittaasua